



Broj: 02-02-1-991-2/26
Sarajevo, 25.08.2026.

N/r Direktora

PREDMET: Poziv bh. kompanijama za učešće na Međunarodnom sajmu namjenske industrije IDEF, 3-9.5.2027.Istanbul, Turska

Poštovani,

Vanjskotrgovinska/Spoljnotrgovinska komora Bosne i Hercegovine (VTK/STK BiH), po četvrti put organizuje nastup na „Međunarodnom sajmu namjenske industrije IDEF“, te Vas poziva da uzmete učešće na zajedničkom štandu Bosne i Hercegovine. Sajam će se održati u periodu od 03-09.05.2027 u Istanbulu, Turska.

O sajmu IDEF

Sajam IDEF predstavlja jedan od najznačajnijih svjetskih sajmova namjenske industrije, a održava se svake dvije godine u Expo Centru Istanbul pod pokroviteljstvom Ministarstva nacionalne odbrane Republike Turske i uz podršku Predsjedništva Republike Turske za odbrambenu industriju.

U 2025. godini na 17-tom po redu izdanju IDEF-a, oko 1.491 izlagača iz 49 zemlja privukli su preko 121.153 poslovnih posjetilaca iz 114 zemalja.

Na sajmu se izlaže širok spektar proizvoda i usluga, uključujući kopnene pomorske i zračne sisteme, vojnu opremu, sigurnosne uređaje, oružje, streljivo i odbrambenu elektroniku. Sajam pruža značajnu platformu za predstavljanje najnovijih dostignuća proizvoda i tehnologija u odbrambenoj industriji, a učesnici su kompanije odbrambene industrije, vojni zvaničnici, stručnjaci za industriju odbrane, predstavnici vlade, medijske organizacije, akademici i nevladine organizacije.

Usluge VTK/STK BiH

- Administrativne poslove vezane za komunikaciju sa sajamskim organizatorima, popunjavanje aplikacije, registracija bh. kompanija, dostavljanje relevantnih informacija bh. kompanijama vezano za izlaganje
- VTK/STK BiH će za potrebe predstavljanja kompanija zakupiti prostor od 70-75m²
- Obilazak kompanija učesnica i konsalting
- Izgradnja i dizajn zajedničkog štanda
- Organizovanje pripremnog sastanka za nastup na sajmu
- Promocija zajedničkog štanda i izlagača
- Izraditi će E- katalog i printani katalog bh. izlagača
- Realizacija nastupa



Troškovi koje snosi VTK/STK BiH

- Dio troškova zakupa neuređenog prostora
- Troškovi konstrukcije štanda (dizajn , izgradnja, transport i uređenje štanda);
- Troškove obaveznog unosa bh. izlagača u katalog sajma
- Troškovi reprezentacije na štandu (struja, katering)
- Troškove marketinških aktivnosti

Kompanije/izlagači će snositi sljedeće troškove

- Učešće u zakupu prostora štanda u fiksnom iznosu od **18.000 KM** po kompaniji/izlagaču;
- Troškovi putovanja i hotelskog smještaja za svoje predstavnike;
- Troškovi transporta i špedicije eksponata.

Kriteriji za odabir kompanija – suizlagača:

- Kompanija je proizvođač koji može ponuditi proizvode koji odgovaraju ovom sajmu
- Kompanija ima iskustvo u poslovima izvoza i upošljava barem jednu osobu koja aktivno komunicira na engleskom jeziku;
- Kompanija je strateški opredijeljena za izvoz, te posjeduje adekvatan kvalitet proizvoda, te potrebne dozvole i certifikate;
- **Kompanija je aktivni član VTK/STK BiH (redovno izmiruje obaveze plaćanja članarine u skladu sa članom 22. i 23. Zakona o VTK/STK BiH „Službeni glasnik BiH“, broj 30/1 i 72/1**
- Kompanija je spremna prisustvovati pripremnom sastanku u organizaciji VTK/STK BiH
- Kompanija se obavezuje da će šest mjeseci i godinu dana nakon nastupa dostaviti follow-up vezan za rezultate nastupa

Molimo Vas da, ukoliko ste zainteresirani da izlažete na štandu Bosne i Hercegovine i prihvatate navedene uslove, popunite **priloženu prijavu** i dostavite je putem e-maila: aida.vidimlic@komorabih.ba **najkasnije do petka 11.09.2026. godine**

Potpisana i ovjerena **četiri originalna primjerka Ugovora o reguliranju obaveza**, potrebno je **obavezno poslati i poštom na adresu VTK/STK BiH, Branislava Đurđeva 10; 71000 Sarajevo.**

Za više informacija o učešću na sajmu **IDEF'27**, kontakt osoba je **Aida Vidimlić** (tel.033 566 233)

Nadajući se Vašem interesu za učešćem u izlaganju na sajmu **IDEF '27** te očekujući prijavu Vaše kompanije uz potpisan i ovjeren Sporazum, ostajem

S poštovanjem

 **DIREKTOR**
Enes Ališković